

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/09-49-5895/16
Sarajevo, 08.04.2016. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 200. Zakona o upravnom postupku ("Službene novine Federacije BiH", br. 2/98 i 48/99), te člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke - Nabavka i instalacija automatske meteorološke stanice u Općini Novi Grad Sarajevo u konkurentskom postupku objavljenom na Portalu javne nabavke, broj obavještenja 422-7-1-49-3-29/16 od 02.3.2016. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se kao ekonomski najpovoljnija ponuda ponuđača THEISS d.o.o. Sarajevo u ukupnom iznosu od 49.414,37 KM sa PDV-om i odgođenim načinom plaćanja od 30 dana od dana ispostavljanja fakture za Nabavku i instalacija automatske meteorološke stanice u Općini Novi Grad Sarajevo.

2. Zadužuje se Služba za finansije i zajedničke poslove da obavjesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti ove Odluke.

3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

Obrazloženje

Postupak javne nabavke - Nabavku i instalacija automatske meteorološke stanice u Općini Novi Grad Sarajevo pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14) putem konkurentskog postupka, objavljenog na Portalu javnih nabavki, broj obavještenja 422-7-1-49-3-29/16 od 02.3.2016. godine.

Uvidom u dostavljeni Izvještaj o radu komisije i preporuku za dodjelu ugovora, utvrđeno je:

- da su pristigle dvije blagovremene ponude, i to:

1. ITG d.o.o. Sarajevo, sa ukupnim iznosom ponude od 53.101,62 KM sa PDV-om i načinom plaćanja 50 % avans i 50 % nakon isporuke,

2. THEISS d.o.o. Sarajevo, sa ukupnom iznosom ponude od 49.414,37 KM sa PDV-om i načinom plaćanja odgođeno 30 dana od dana ispostave fakture.

- da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ispunjavaju uslove specificirane u tenderskoj dokumentaciji,

- da je Komisija je u skladu sa članom 64. stav 1. tačka a) Zakona o javnim nabavkama ("Službeni glasnik BiH" broj 39/14) izvršila bodovanje ponuda po kriteriju "ekonomski najpovoljnija ponuda" kao i uslovima datim u Tenderskoj dokumentaciji pod tačkom 4.1. ocjena ponuda i okončanje postupka, te utvrdila Ponuđač ITG d.o.o. Sarajevo nije ispunio uslove iz tačke 4.1.1. Tenderske dokumentacije pod tačkom b) način i uslovi plaćanja, tako što se ponude ocjenjuju po kriteriju odgođenog plaćanja, odnosno maksimalan broj bodova (10) dobija ponuđač koji je ponudio najduži period odgođenog plaćanja.

Kako ponuđač ITG d.o.o. Sarajevo u svojoj ponudi nije ponudio odgođeno plaćanje kao je navedeno u tenderskoj dokumentaciji, već plaćanja 50 % avansa i 50 % nakon isporuke, to nije moguće izvršiti ocjenu njegove ponude po kriteriju ekonomski najpovoljnija ponuda, kako je propisano tenderskom dokumentacijom.


Obzirom da se radi o konkurentskom postupku, da je primijenjen kriterij «najniža cijena tehnički prihvatljive ponude», Općinski načelnik je, na Preporuku Komisije za javne nabavke roba i usluga, a shodno članu 64. stav 1. tačka a) Zakona o javnim nabavkama ("Službeni glasnik", br. 39/14) i člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, odlučio kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za finansije i zajedničke poslove
2. U spis



Općinski načelnik
mr. Šemir Efendić